

胎政率譏漢編



龍威鋼鑑試洋折損螺絲修好回工摺

奏爲龍威雙機鋼甲兵輪出口試洋右副輪機折損螺絲小件現已修整完好駛回工次恭摺具

陳仰祈

聖鑒事竊

臣

於光緒十三年十二月二十四日業將

閩廠試造雙機鋼甲兵輪下水緣由

奏明在案自時厥後

臣

復嚴飭員紳工匠併力營

繕無如工繁件夥非急切所可圖成本年四月

中旬始據工程處監造學生直隸州知州魏瀚

參將陳兆翔稟稱龍威船上鋼甲均已鈐釘齊

全其水缸機爐并鋼礮藥彈亦已一律配置業

就臨前試輪堪以定期放洋當派靖遠練船管

駕千總林承謨暫行上船管帶是月十六日

臣

親督該駕弁等駛至館頭停泊次早六點鐘升

火九點鐘展輪出芭蕉口至白犬洋行駛數周

時值潮汎初平水缸臺煤英煤並用升大火每

點鐘得速率十二諾半有奇合四十二中里船

身極爲堅固機器極爲靈動行駛極爲穩快申

刻折回將近芭蕉濱放二十六生大礮方欲鼓

輪前進頓覺右副輪機轉旋遲鈍不能如左副
之運掉自如亟停輪審視見右輪所鑲螺絲折
損者一枚脫落者一枚以致礙及開車機軸是
右邊輪機本無弊病祇因螺絲折落補救尚易
爲功是時天晚潮退因就深處拋錨次日駛入
壺江暫行停泊飭將螺絲等件修整完好已於
三十日駕駛回工臣查鋼甲兵輪爲閩廠初次
辦辦之工該學生等竭慮殫精原不敢絲毫苟
且惟工程煩鉅其爲圖爲範爲輪爲軸少常累
百多且盈千製造非出一人鬪合不由一手難

保兩輪互較不無纖芥之異累黍之差故外洋
定例必先期試洋考驗純疵參觀利鈍俾得補
偏揀弊損過就中是亦月令所云使舟牧治舟
五覆五反之義也此次龍威試洋始則甚見輕
靈繼則稍形遲緩實因成船伊始該學生等雖
職司製造亦祇能綜其宏綱其情尙爲可原惟
螺絲等件既有折損誠恐合攏鑲配百密不免
一疏擬將康邦三脫汽兩副卸機逐件拆卸一
一較對必求疾徐罔背銖兩適均然後再行合
攏以昭慎重一俟葺功並將電光燈鑲配齊全

卽行駛赴津沽聽候海軍衙門勘驗不敢稍事
稽延致滋咎戾所有龍威雙機鋼甲兵輪出口
試洋右副輪機折損螺絲小件現已修整完好
駛回工次各緣由謹會同福州將軍世襲一等
繼勇侯臣希元閩浙總督兼管福建巡撫事臣
卞寶第合詞恭摺由驛四百里馳陳伏乞
皇上聖鑒訓示謹

奏

光緒十五年五月初一日拜發奉

硃批該衙門知道欽此

定購製礮鋼坯機件照章聲明立案片

再礮位爲防海要需而各處製造未精遂讓德國克虜伯廠以獨步然未嘗不可跂而至也聞廠二屆出洋學生李芳榮曾在德國礮廠學習製造槍礮藝成回華臣細加考察於製礮道頗能得其要領通其精微卽擬開廠試辦以覘其能無如建蓋廠所購置機件估欸甚鉅當此經費吏絀實覺力難爲籌顧天下事欲爲高掌遠蹠之圖須有銖積寸累之業儻以畏難自阻必至畢世無成因於常年經費內極力省蓄得

有贏餘卽予擇要購辦庶幾一簣有基後來有所藉手乃飭該學生測繪圖算於十三年九月間函囑出洋局洋監督向法國科兒蘇廠先訂辦鋼坯六塊其價值約合銀一千九百餘兩現已運送至工又向英國礮廠訂辦鑽礮膛刨礮膛機各一副量礮箍礮筒內外徑機尺各一架其價值約合銀五千三百餘兩尙未至工故運費未計其餘尙有應行購置者亦擬於節首項下隨力續辦統歸船政常年製船經費內報銷一俟機件齊備欸項寬舒再行察看情形

奏請開廠試辦以期有成此則臣區區之心所願
望焉而不敢必者也除咨部查照并飭另案造
銷外合將照章應行聲明謹會同福州將軍世
襲一等繼勇侯臣希元閩浙總督兼管福建巡
撫事臣卞寶第附片具陳伏乞

聖鑒訓示謹

奏

同日拜發奉

硃批該衙門知道欽此

奏定購魚雷戰頭棉花藥照章聲明立案片
再防海利器以魚雷爲最重閩廠於光緒十年
經前署船政大臣張佩綸向德國刷次考甫廠
購置魚雷十具到工後派學生陳才鐳督率工
匠合攏校定隨時演放在案嗣據該學生稟稱
原購魚雷所配雷頭第宜於操演必須另備攻
敵雷頭十具以防戰事繪具圖式請并應配之
戰雷機銅引信爆藥管棉花藥等件分別寄購
前來臣考魚雷全具分爲九節其首節曰槍操
演之槍不裝棉藥攻敵之槍則內藏三節前爲

轟雷機中爲爆藥斗後爲引藥管所用既異製
亦微殊且既有攻敵之槍更不容無機信爆管
棉藥等物以期全備因於光緒十三年三月咨
由使德大臣許景澄向德廠照樣定購該件於
是年十二月暨本年正月陸續到工一切價值
并保險運費計共番銀一千三百餘兩查前購
魚雷係爲閩防而設現在續購各件係原購魚
雷應配應備之需其價銀係屬船政墊支應由
閩省善後局撥解歸欸除咨部查照并飭另案
造銷外合將應行照章聲明謹會同福州將軍

世襲一等繼勇侯臣希元閩浙總督兼管福建
巡撫事臣卞寶第附片具陳伏乞

聖鑒訓示謹

奏

同日拜發奉

硃批該衙門知道欽此

船政奏議彙編

卷三十九

七

奏定購修理魚雷機件照章聲明立案片

再聞省於光緒十年經前署大臣張佩綸購辦魚雷艇一號魚雷十具到工後又經臣添購放

雷礮筒蓄汽櫃壓汽機哈乞開司連珠礮並增蓋廠屋派出洋學生陳才鐳督課匠徒合攏修整其規模亦已略備矣惟查魚雷機器畸零瑣細與各輪船機件迥不相同其雷中所裝者或為引火轟藥之機或為裝藥轟雷之機或為蓄雷裝雷之機或為駛雷浮雷之機或為四輪箱之機或為十字架之機或為隨雷深淺之機或

為令雷升降之機合之則細鍼密縷晰之則繭絲牛毛心目偶睽往往迷於所向且機件脆薄屢經演放易致損傷是則不能無資於修整之機器料件矣查閩廠機件頗夥而以修魚雷則無一可適於用若不先事籌維必至日漸銷磨功用盡廢因於光緒十二年二月間咨由使德大臣許景澄向德國刷次考甫廠訂辦修理魚雷機件二十三項現已節次到工目下度支未裕且留為修整之資日後經費稍充可移為製造之用所有價值機器料件各居其半約合銀

一萬九千餘兩屬在機器者應同合攏鑲配各
工料遵照光緒十二年十月十二年三月

奏明成案歸船政報銷屬在料件者係修整魚雷
所用應歸閩省善後局撥給除咨部查照并飭
另案造銷外合將應行照章聲明謹會同福州
將軍世襲一等繼勇侯 臣 希元閩浙總督兼管
福建巡撫事 臣 卞寶第附片具陳伏乞

聖鑒訓示謹

奏

同日拜發奉

船政奏議彙編

卷二十九

九

硃批該衙門知道欽此

閩廠經費奇絀請另籌解濟摺

奏爲閩廠經費奇絀海關六成未能照撥籲懇

天恩飭部通盤籌畫設法解濟以救燃眉恭摺具陳

仰祈

聖鑒事竊船政製造工程應需經費原經部定月撥

閩海關六成洋稅五萬兩開工伊始遞年解清

嗣因兌解愆期經前總理船政沈葆楨奏奉

諭旨嗣後六成項下每月應解之五萬兩著儘先籌

解等因欽此並經戶部會同總理各國事務衙門

議自光緒二年正月爲始六成洋稅內月撥銀

船政奏議彙編

卷三十九

十

三萬兩四成洋稅內月撥銀二萬兩仍先儘解

船政衙門兌收不得再有帶欠奉

旨允准在案計自奉議以後四成項下尙准遞年解

足而六成之欸積欠竟至三百餘萬兩之多

臣

於光緒十年冬間受事維時正值代製鑄清寰

泰快船繼以仿辦龍威鋼甲尙有兩處撥欸得

以騰挪今則快船久已蕙功鋼甲亦將畢役目

下協造粵船尙餘七艘外洋購料動用浩繁而

買鐵購煤駁運船費出洋經費前後學堂暨畫

院練船各學生贍養員紳薪水工匠飯食在在

天恩需財尤恃六成關欸按月解齊庶足以資接濟
查光緒十二年正月間前將軍古尼音布奏六
成洋稅入難敷出請停解船政經費經戶部核
議輪船係海防第一要需若使經費不足難期
整頓從前籌議由閩海關儘先撥解者誠以該
關與船政最近取其籌解妥速不致有誤要工
是此項經費斷難別籌改撥雖六成用欸以入
抵出誠似不敷然該關向有前後套搭開支由
下結歸還足資周轉各等語是船政必需六成
解欸久在

聖明洞鑒之中無如比年以來洋稅短絀雖經部臣
竭力代籌而十三四兩年亦祇各解四箇月聊
資敷衍本歲茶季不旺較之去年征僅及半經
將軍_臣希元目覩艱危於無可設法之中力籌
一箇月以應此後茶市若少轉機六成殆難指
望然則欲維持廠務似宜稍予變通_臣查六成
項下其提歸京餉者事關根本不容輕請挪移
其餘各省協餉爲數甚多中間豈無可停可緩
抑洋藥釐稅儲在關庫者或有贏餘可否仰懇
天恩飭下部臣從長核計於此兩欸之內權其緩急

分別指撥若干專顧船政庶巨工不虞中輟沿海愈固邊防大局幸甚微臣幸甚所有閩廠經

費奇絀請籌解濟各緣由謹會同福州將軍世

襲一等繼勇侯臣希元閩浙總督兼管福建巡

撫事臣卞寶第合詞恭摺由驛四百里馳陳伏

乞

皇上聖鑒訓示謹

奏

光緒十五年七月十五日拜發奉

硃批戶部議奏欽此

船政奏議彙編

卷二十九

七

分別減支夫長排長排工片
再竊准兵部咨開光緒十四年十二月二十五
日具奏議覆船政運夫排工匠丁口糧工食仍
令查照前奏分別減支一摺本日奉

旨依議欽此欽遵恭錄

諭旨鈔錄原奏咨行前來臣謹查原奏內稱船政支
放運夫排工口糧挖土機船匠丁工食按照江
南籌防運船成案均有浮多前經行令分別減
支以示限制茲雖據該大臣奏稱前項運夫排
工機船與江南運夫運船情形不同惟口糧工

船政奏議彙編

卷三十九

十三

食支數過優若遽行議准儻各省紛紛援引殊
非慎重帑項之道應仍令該大臣查照臣部前
次奏令分別減支之案酌量核減以節糜費所
請照舊支給之處應毋庸議等因伏維船政爲
勦辦之局本無例案可循一切支數礙難援照
他省章程亦非他省尋常工程所得援引第際
此經費奇絀之時臣敢不力求擲節以重帑項
惟有於無可議減之中遵照部臣原奏酌量核
減就中如夫長排長月各原支銀六兩現各減
支銀六錢月各支銀五兩四錢排工月各原支

銀五兩四錢現各減支銀六錢月各支銀四兩八錢均自光緒十五年正月起照減支之數支銷其光緒十四年十二月以前染經支放之款合無仰懇

天恩逾格免予追繳以示體卹至挖土機船匠工與本案看管船槽匠工操作皆同船槽機器匠月支銀一十二兩小工月各支銀四兩二錢經戶部核准照數支銷於光緒十三年五月間奏奉俞允在案此款事同一律自未便案有兩歧運夫在廠斯宵盤運勞苦異常非尋常轉運朝作暮息

者所可比月僅支銀三兩三錢卽較之江南成案月支三兩之數所多亦屬無幾什長有鈐束運夫之責月支銀三兩六錢較之運夫月支之數亦僅多銀三錢實屬無可減支統乞

飭部立案照數核銷以清積贖而濟要工除咨部查照外所有分別減支夫長排長排工各緣由理合附片陳明伏乞

聖鑒訓示謹

奏

同日拜發奉

硃批該衙門知道欽此

船政奏議彙編

卷三十九

五

新刊續增門版彙編

協造粵東廣庚廣乙兵輪先後下水摺

奏爲閩廠協造粵東廣庚廣乙兵輪先後下水並

廠務情形恭摺具陳仰祈

聖鑒事竊臣於光緒十四年十月二十五日將協造

粵東廣乙廣庚廣丙兵輪三號安上龍骨

奏明在案廣庚係淺水兵輪購料庀材程工較易

故下水在本年五月初一日廣乙爲新式穹甲

配機製殼集料甚繁故下水在本年八月初三

日此兩日臣均親率在事員紳致祭

天后江神土神船神乘潮推送雖船身大小不同而

船政奏議彙編

卷二十九

六

順軌徐趨靈快則有如一轍查兩船原定圖式

廣庚馬力四百匹長約一百四十四英尺寬約

二十尺喫水深約十尺全船載重三百二十噸

每半時約行三十六中里應配船頭十二生長

礮一尊船尾十生半長礮一尊船腰桅盤各荷

乞開士聯珠礮二尊廣乙馬力二千四百匹長

約二百三十五英尺寬約二十七尺喫水極深

處約十三尺全船載重一千噸每半時約行五

十五中里應配船頭十五生半長礮一尊船尾十

二生半長礮一尊船腰桅盤各荷乞開士聯珠礮二

尊與辦時又悉心參酌長短廣狹或略有增減
礮臺礮位或稍有添移緣邇來西法輒變其故
趨華學亦臻其新智隨時損益與原定規制初
不相妨也辰下工作將竣堪以鑲配一俟活桅

各船亦陸續圖功不敢稍參作輟惟本年茶稅

不旺海關解濟難期籌料募工實覺不敷甚巨
臣惟有勉強支撐以期毋誤大局所有協造粵

東廣庚廣乙兵輪先後下水並廠工情形謹會
同兩廣總督兼署廣東巡撫張之洞福州將

軍世襲一等繼勇侯希元閩浙總督兼管福

建巡撫事臣卜寶第合詞恭摺由驛四百里馳
陳伏乞

皇上聖鑒訓示謹

奏

光緒十五年八月初十日拜發奉

硃批該衙門知道欽此

請暫停船塢工程片

再臣前就船廠左近青洲地方開辦船塢以備修理極大兵輪之用於光緒十四年三月間

奏明在案其經費原擬在製船項下按年勻撥以冀輕而易舉計自開辦以來該塢工程已得有十分之四甚願竭力籌辦竟此鉅工惟查船廠常年經費取源於閩海關四成六成兩項滿擬可以源源接濟則於開支薪工採辦料件外儘可以其餘力協造粵船兼造船塢乃本年閩海關於四成項下猶能按月撥解其六成項下迄

船政奏議彙編

卷二十九

六

今八箇月祇准解到三萬兩加以粵船工程正在趲趕以致左支右絀幾成無米之炊臣通盤籌算既無別項挹注之謀祇得請將船塢工程暫行停止一俟經費充裕再行陸續接辦除將用過經費勻年歸於歲出歲入冊內咨部核銷外所有暫停船塢工程緣由謹附片陳明伏乞

聖鑒謹

奏

同日拜發奉

硃批該衙門知道欽此

天恩仰祈

天恩摺

又奏為恭謝

天恩仰祈

聖鑒事竊

臣於光緒十五年十月初六日准吏部咨

本年九月初七日奉

硃筆裴蔭森補授光祿寺卿欽此當即恭設香案望

闕叩頭敬謹謝

恩訖伏念

臣江左樛材淮東輟質前以庚申進士觀

政工曹嗣由湘楚備兵陳臬闡省光緒十年十

船政奏議彙編

卷三十九

十九

二月間仰承

恩命署理船官五材並用豈斤斧之為勞一藝至微

究涓埃之未報十四年二月欽奉

上諭開去臬司員缺以三品京堂候補時值經費艱

難工程緊迫荷

隆施之稠疊愈夙夜以傍徨茲復渥被

溫綸補授卿職自

天聞

命向日銜

恩光祿為尙食之官卿寺屬清華之選得膺典膳深

愧濫竽臣惟有殫竭悃誠勉圖報稱詠伐輪之
什戒先凜乎素飧佩和羹之言用卽通於作楫
從此

御廚春滿旨甘紆

旰食之勤庶幾寰海波清尊俎寓折衝之義願鞭駑

鈍冀答

鴻慈所有微臣感激下忱謹繕摺叩謝

天恩伏乞

皇上聖鑒謹

奏

船政奏議彙編

卷二十九

三

光緒十五年十月十二日拜發奉

硃批

天恩伏乞

皇上聖鑒

謹

奏

船政奏議彙編

卷二十九

光緒十五年

船政奏議彙編卷二十九終

船政奏議彙編卷四十目錄

裴蔭森十四

廣庚輪船試洋赴粵並現辦廠工情形摺

添拓廠地並購修機器請 飭部立案片

龍威鋼甲在滬修機請暫摘製機學生頂戴片

閩廠製造輪船支用各欸造冊核實報銷摺

龍威鋼甲修整回工請復學生頂戴並暫定名

額薪糧請 飭部立案摺

奏派知府楊廷傳充提調片

船塢添派員弁專駐校巡督率片

遵 旨補奏摺

船政奏議彙編卷四十目錄

卷四十目錄

廣庚輪船試洋赴粵並現辦廠工情形摺

奏爲廣庚輪船試洋赴粵並現辦廠工情形恭摺

具陳仰祈

聖鑒事竊臣於光緒十五年八月初十日業將協造

粵東廣庚廣乙兩兵輪先後下水日期並該船

丈尺行程里數專摺

奏明在案廣庚係屬淺水輪船程工較速九月中

旬據工程處監造學生直隸州知州魏瀚縣丞

楊廉臣等報稱廣庚船上應需之活桅銅罩水

缸機鑪均已配置齊全業就鳴前試輪堪以定

期放洋當遣由粵遴派之都司張斌上船管駕

並派後學堂駕駛學生外委林占熊作爲幫帶

十月初七日臣親率該駕弁等卯正升火已初

展輪出芭蕉口至白犬洋行駛數周申刻回工

當放洋時潮汎方平北風甚勁水缸英煤臺煤

並用升大火輪機每分鐘一百二十轉驗船行

速率十二諾合四十中里視原算僅及三十六

中里者殆爲過之船身堅穩機器靈捷其餘亦

一切如法定期十二日飭將該船駛赴粵東驗

一切如法定期十二日飭將該船駛赴粵東驗

收遣用除船中執事人等應由粵省按照名額
募充其薪糧亦由粵自行籌給外臣仍督飭員

紳工匠將已下水之廣乙催令試洋已上龍骨
之廣丙催令下水惟製船全資經費而經費出

自閩海關本年六成項下僅據解到一箇月既
皇上餅壘之交罄卽斤斧之難營臣惟有隨時婉商

將軍臣設法解濟庶鉅工罔墜以仰副
聖主整頓舟師之至意至續製粵船其穹甲之廣丁

淺水之廣辛亦擇於本月十二日安上龍骨台
併聲明所有廣庚兵輪試洋赴粵並現辦廠工

船政奏議彙編

卷四十

各緣由謹會同兩廣總督臣張之洞署理廣東

巡撫臣游智開福州將軍世襲一等繼勇侯臣
希元閩浙總督兼管福建巡撫事臣卞寶第恭

摺由驛四百里馳陳伏乞

皇上聖鑒謹

奏

光緒十五年十月十二日拜發奉

硃批該衙門知道欽此

添拓廠地並購修機器請 飭部立案片

再前奉戶部奏定外省報銷新章第十四條內載各省設立機器局並閩省船政局如有添購機器經費若干事前奏明咨部立案事後方准覈銷等因茲據廠員稟稱去年因合攏鋼甲艦輪機原設合攏廠地址逼狹不敷位置將隔牆原蓋之大鐵廠騰出空地徧釘木樁添鋪地坪並將添配製造鋼甲艦之大架機器安置其中以便分班工作計添鋪地坪用銀一千七百餘兩添配大旋機一副用銀二千九百餘兩大鑽機一副用銀二千八百餘兩大刨牀一副用銀五千零兩掣機總輪軸全副用銀一千五百餘兩又因仿製鋼甲鐵皮各船及船桅換用鋼片所資機器有前此製造木船木桅之時未經籌備者特於鐵脅廠添配一百噸壓水機一副用銀四千五百餘兩鋸冷鋼鐵鋸機一副用銀一千四百餘兩鋸熱鋼鐵鋸機一副用銀一千三百餘兩捲鋼桅機一副用銀九百餘兩小輪機廠添配鋸鋼鐵小鋸機一副用銀五百餘兩大鐵座螺絲旋牀一副用銀二千零兩鋼甲船機

內多巨件運送維艱添配四輪鐵車起重機二架以省人力計用銀一千五百餘兩又因起製穹甲船舊設船臺經用日久間有朽蝕酌量折修計用銀八百餘兩閩省前購魚雷十具操演修整所需機件爲工次所無因添配十五匹馬力輪機水缸一副用銀三千三百餘兩旋牀三副用銀一千五百餘兩製魚雷尾機器一副用銀一千三百餘兩刨牀二副用銀八百餘兩刨齒輪機器一副用銀四百餘兩雙機鑽牀一副用銀五百餘兩壓水力驗雷氣櫃一副用銀三百餘兩蓄氣櫃一具用銀七百餘兩較定魚雷各機件全副用銀三百餘兩操魚雷用入水衣服機具全副用銀五百餘兩掣機總輪軸全副用銀一千三百餘兩以上各款應歸光緒十四年分製船經費項下造銷又因靖遠輪船改作練船修整拓改用銀七千四百餘兩閩港藝新輪船自光緒十一年大修以後行駛又歷三載有奇船機不無損蝕酌核興修用銀一千三百餘兩此二款係由船政墊支應歸省局彙銷等語呈請立案前來

臣復查無異除咨部查照並

軍案造銷外所有遵照新章應行立案各緣由
謹會同福州將軍世襲一等繼勇侯臣希元闡
浙總督兼管福建巡撫事臣卞寶第謹附片具
陳伏乞

聖鑒謹

奏

同日拜發奉

硃批該衙門知道欽此

龍威銅甲在滬修機請暫摘製機學生頂戴片
再閩廠做製雙機鋼甲兵輪本年四月間試洋
因折損螺絲曾經

奏明留工修理工畢之後遂派都司楊永年上船
管駕並派後學堂出洋駕駛學生黃鳴球作爲
幫帶於九月初四日復行出洋試驗一切尙爲
合法初十日由閩開行十四日抵滬擬竟駛赴
天津聽候勘驗二十六日在滬展輪之初覺小
抽汽機軸折損動掣未能如意卽駛回吳淞就
耶松洋廠定購抽汽小軸兩具據監送製輪學

生參將陳兆翔等稟報換配前來臣當委後學
堂管輪洋教習斐士博赴滬切實查明據覆稟
稱該船大機兩副毫無弊病惟此抽汽小機喫
力最重該件鐵質稍鬆應易以純鋼便臻美備
自應准其換配以昭慎重惟鑲配工程非旬餘
不辦矚屆北洋冰凍似未便遽駛入津而北洋
兵船卽須避凍南下該船至津亦恐無人收管
應俟明春北上目下旣爲節候所限不克駛赴
津沽查該船下水年餘船底久經浸漬苔衣蠹
蝕叢生膠附應乘此次過滬之便一併進塢驗

視船底刮垢傅油俾臻完善已飭該管駕等遵照辦理至該船看底換機各已竣事或仍留滬濱或飭返閩江或隨北軍巡洋總俟明歲冰融卽令其隨同北洋各兵輪北上臣查雙機鋼甲爲閩廠初次舡辦之船該製造學生等當夏初試洋回工修理之時宜如何詳慎精勤力求美善茲何以由滬開行展輪之初便將小機軸折損雖曰小疵究屬大意應請

旨將製機學生參將陳兆勦知縣李壽田縣丞楊廉臣等暫行摘去頂戴以示懲警仍責成該學生

等在船在工加意修整不得再有疎虞所有閩廠仿製雙機鋼甲兵船修機勘底請展緩明春北上並將製機學生摘頂各緣由謹會同福州將軍世襲一等繼勇侯臣希元閩浙總督兼管福建巡撫事臣卞寶第附片具陳伏乞

聖鑒訓示謹

奏

同日拜發奉

硃批著照所請該衙門知道欽此

閩廠製造輪船支用各款造冊覈實報銷摺

奏爲閩廠製造輪船支用各款遵照新章造冊覈實報銷恭摺仰祈

聖鑒事竊閩廠製船各款自同治五年十一月十七日起截至光緒八年十二月底止動支閩海關洋稅及南洋協撥等款疊經各前大臣先後彙數分款開具簡明清單奏奉

諭旨並經各部覈復准銷在案茲覈閩廠自光緒九年正月接造起截至十一年十二月底止計湊成二千四百匹實馬力鐵脅巡海快船一艘曰

船政奏議彙編

卷四十

八

開濟製成七百五十匹實馬力鐵脅兵船一艘
曰橫海製造未成二千四百匹實馬力鐵脅巡
海快船兩艘曰鏡清曰寰泰一千六百匹實馬
力鐵脅三等快船一艘曰廣甲五船接續兼營
廠地或過狹也是以有添蓋之廠機器或不足
也是以有添設之機增學舍復藝圃以廣育生
徒蓋水雷廠建電報樓以講求防務議興練艦
購舢舨而修之新募洋員葺山樓以寓之他如
鐵水坪船臺船槽挖土船喪土船及各廠所學
堂衙署或經歲久而修或經礮火而修或經颱

風震撼而修十年馬江之役葺舊宇以妥忠魂
籌加卹以撫難眷凡屬動支款項均經先事奏
咨其常年支放有額可稽者如薪水贍養飯食
工伙口糧等款亦經遵照部章按年開列名額
四柱送部備案其有經部覆准不能專案奏咨
者則如歲修之機器廠屋爐溝添置之傢伙書
籍器具款目紛繁實難枚舉此製造一切之情
形也閩海關洋稅應解船政者經戶部議奏自
光緒二年正月爲始六成月撥銀三萬兩四成
月撥銀二萬兩今覈製船經費自光緒九年正

月起截至十一年十二月底止上屆報銷案內
存銀三十四萬四千九百六十三兩五錢九分
三釐九毫又存剩銅鐵木煤各料價值銀六
萬一千九百四十兩七錢七分七釐七毫又存
銅礮價值銀八千一百二十五兩四錢五分四
釐閩海關六成洋稅月奉撥銀三萬兩自光緒
九年正月起截至十一年十二月底止連閩計
三十七箇月內除九年二月起至十一年十二
月止連閩共三十六箇月欠解外實解到一箇
月銀三萬兩又四成洋稅月奉撥銀二萬兩自

光緒九年正月起截至十一年十二月底止連
閏計三十七箇月內除十年分四五閏五六七
八九凡七箇月欠解外實解到三十箇月共銀
六十萬兩南洋協撥第一號快船經費原奏請
撥二十萬兩除上屆列收及未解外實解到銀
一萬六千兩又續造第二號第三號快船經費
原奏撥銀六十六萬兩除未解外實解到銀六
十一萬七千一百九十九兩六錢五分四釐八毫
閩省善後局撥解試造鋼甲艦經費原奏請撥
四十六萬兩除未解外實解到銀一十六萬兩

上屆奏銷員弁薪水項下核刪總監工薪水追
繳銀四百五十三兩三錢三分三釐三毫釐計
管收共銀一百八十三萬八千六百七十三兩
八錢一分三釐七毫內除造船購器修廠贍工
等項支用銀一百一十四萬四千八百五十三
兩七分五釐七毫又墊支光緒九年至十一年
各輪船薪費銀三萬五百九十五兩八錢九分
二釐七毫各輪船煤炭價值銀二萬三千七百
八十四兩二錢八分一釐修理輪船工料銀六
萬八千一百六十兩六錢七分二釐九毫統共

支銀一百二十六萬七千三百九十三兩九錢二分二釐三毫實存銀四十四萬九千三百五十六兩八錢六分二釐六毫又存用剩銅鐵木煤各料價值銀一十二萬一千九百二十三兩二分八釐八毫查輪船薪糧煤炭修費船政第一次報銷係另歸養船項下開報沈葆楨奉命巡臺時奏明自同治十三年四月十六日起將所撥養船經費併入臺防項下各船薪糧亦歸臺防項下支銷奉

旨該衙門知道欽此嗣後歷屆報銷各前大臣均因

輪船薪糧等款除由臺防本款支給外船政墊支銀兩無款劃還截清年月彙入製船經費單內作正開銷歷奉戶部覆准在案所有光緒九年至十一年稅釐局奉撥養船經費仍復批解不前各船應領之項除將解到養船銀兩儘數支給並赴臺赴廈就於差次支領外製船項下尙墊支各船薪糧煤價修費三款共銀一十二萬二千五百四十兩八錢四分六釐六毫莫從支收歸款自應援照成案將墊支前項銀兩歸入本案作正開銷其款應由閩省善後局登收

彙總造冊以昭覈實此支銷一切之情形也竊維製船經費絲毫均關

國帑各前大臣於製造則日求美備於款項則力

節虛糜卽在事員紳亦皆恪守舊章潔身自愛此固臣莅工以來默察焉而確有可信者惟是

輪船爲製器之規舉改造細冊爲船政報銷之規舉一切造船蓋廠購件製機微特間架造法

天恩與則例不能相符而名目紛歧尤非尋常所經見所以臣於光緒十二年七月間有造冊報銷

難拘成例之請也茲將三年中用款彙造細冊

船政奏議彙編

卷四十

十一

飭員逐件鉤稽臣復覆加詳覈深悉一切支銷並無浮冒伏懇

天恩飭部免以成例相繩照數覈銷以清積牘除咨

海軍衙門總理衙門並將細冊咨送戶部兵部工部覈銷外理合會同南洋大臣兩江總督臣

曾國荃福州將軍世襲一等繼勇侯臣希元閩浙總督兼管福建巡撫事臣卞寶第恭摺具陳

伏乞

皇上聖鑒謹

奏

光緒十五年十一月十二日拜發奉
硃批該衙門議奏欽此

船政奏議彙編

卷四十

十三

蘇州藩司奏為

光緒十五年十一月十二日拜發奉

龍威鋼甲修整回工請復學生頂戴並暫定名額薪糧請 飭部立案摺

奏爲龍威鋼甲兵船修整完竣驗試回工籲懇天恩賞還製機各學生頂戴並將暫定名額薪糧

飭部立案恭摺具陳仰祈

聖鑒事竊臣於光緒十五年十月十二日曾經

奏明龍威鋼甲兵輪由滬開行折損小機軸等件請將製機學生陳兆翔等暫行摘去頂戴責令修整完好欽奉

硃批著照所請該衙門知道欽此欽遵在案嗣據該

學生等稟稱小機軸等件均就上海修配一律完固十一月二十日北洋舟師巡歷過滬經海軍提督丁汝昌偕副統領琅威里帶同洋管輪等到船勘驗旋准提督丁汝昌電稱龍威於二十日出海駛驗三點鐘之久推算風差水溜每點鐘約近十一海里倘升火得法再用好煤當不止十一海里又准函稱龍威艙位工程布置妥貼大機器兩副亦復堅固靈通閩廠首先試造之船能是亦足各等語維時以節逾大雪津沽計已封河因飭該船駛回工次自滬展輪僅

歷四十六點鐘卽抵閩江羅星塔停泊視在上
海試驗速率亦復相符臣親行登輪覆勘復飭
該學生等加意閱視隨宜添修一俟春融冰解
卽行駛赴天津聽候北洋大臣驗收臣查閩廠
初次做造鋼甲該學生銳意發端竟能成此鉅
製雖從前折損小軸不無疎忽而修整之後自
驗試以及回閩經行大洋並無絲毫疵病揆諸
朝廷愛惜人才之意似宜寬其既往以策將來可否
仰懇

天恩將製機學生參將陳兆翔知縣李壽田縣丞楊

船政奏議彙編

卷四十

十五

廉臣三員摘頂處分

准予開復俾資激勸出自逾格

鴻慈至該船自五月試洋後經臣暫定名額薪糧公

費在工時支給半餉出海時支給全餉此項經
費該船未到天津以前應歸福建善後局養船

項下造報謹繕清單恭呈

御覽伏乞

飭部立案用昭覈實除咨呈海軍總理各衙門並咨

戶兵兩部外所有龍威兵輪試驗回工並請復

各學生頂戴暫定名額薪糧各緣由謹會同福

州將軍世襲一等繼勇侯臣希元閩浙總督兼
管福建巡撫事臣卞寶第恭摺由驛四百里馳
陳伏乞

皇上聖鑒訓示謹

奏

光緒十五年十二月十三日拜發駙站擅拆盜
換復於十六年二月初六日補奏奉
硃批着照所請該衙門知道單併發欽此

謹將二千四百匹實馬力龍威鋼甲艦官弁舵水員名並月支薪糧公費銀數繕具清單恭呈

御覽

計開

管帶官一員月支銀二百一十六兩

會帶官一員月支銀一百兩

大副一員月支銀六十兩

駕駛二副一員月支銀四十八兩

槍礮二副一員月支銀四十八兩

船械三副一員月支銀三十六兩

船政奏議彙編

卷四十

十七

舳板三副一員月支銀三十六兩

正礮弁一員月支銀二十四兩

水手總頭目一員月支銀二十四兩

副礮弁二員每員月支銀一十六兩共月支銀

三十二兩

總管輪一員月支銀一百四兩

大管輪二員每員月支銀六十四兩共月支銀

一百二十八兩

二等管輪二員每員月支銀四十八兩共月支

銀九十六兩

三等管輪二員每員月支銀三十二兩共月支銀六十四兩

水手正頭目六名每名月支銀一十四兩共月支銀八十四兩

水手副頭目四名每名月支銀一十二兩共月支銀四十八兩

一等水手一十六名每名月支銀一十兩共月支銀一百六十兩

二等水手二十二名每名月支銀八兩共月支銀一百七十六兩

三等水手二十二名每名月支銀七兩共月支銀一百五十四兩

管旗一名月支銀一十四兩

一等升火一十六名每名月支銀一十二兩共月支銀一百九十二兩

二等升火一十六名每名月支銀一十兩共月支銀一百六十兩

三等升火六名每名月支銀八兩共月支銀四十八兩

二等管艙一名月支銀一十六兩二兩共月支

一等管油六名每名月支銀二十兩共月支銀一百二十兩

三等管油六名每名月支銀一十六兩共月支銀九十六兩

一等管汽六名每名月支銀一十八兩共月支銀一百八兩

油漆匠一名月支銀一十六兩
木匠頭目一名月支銀一十六兩

二等木匠一名月支銀一十兩
電燈匠一名月支銀三十兩

鍋鑪匠一名月支銀二十二兩

夫役六名每名月支銀六兩共月支銀三十六兩

三等文案兼支應一員月支銀二十兩
三等醫官一員月支銀二十兩

以上官弁舵水人等一百五十九員名計月支薪糧銀二千五百六十二兩

行船公費月支銀四百四十兩
統共月支薪費銀三千零零二兩

派知府楊廷傳充提調片

再船政提調有勲理工程表率員紳之責應派專員以昭慎重前緣道員吳仲翔因病銷差經臣委令總辦文案處補用直隸州知州王崧辰代理於光緒十二年十一月

奏明在案歷辦三年深資臂助惟文案公牘既繁提調責任尤重必須兩得其人而後兼收其益茲查有告養在籍鹽運使銜前甘肅甘州府知府楊廷傳才具穩練綜覈精詳堪以派充提調王崧辰仍總辦文案以專責成除分別檄飭外

船政奏議彙編

卷四十

二十

謹會同福州將軍世襲一等繼勇侯臣希元閣浙總督兼管福建巡撫亭臣卞寶第附片陳明伏乞

聖鑒謹

奏

同日補奏奉

硃批該衙門知道欽此

船塢添派員弁專駐梭巡督率片

再聞廠於光緒十三年十一月間開造石船塢
經臣奏報在案當夫開挖伊始匠作日數百人

時有乘潮趕辦工程非有專駐之員梭巡督率
難保無偷惰悞工臣察度情事於開工之日卽

派委員二員一員月支薪水銀三十兩一員月
支薪水銀二十兩差弁二員每員月支薪水銀
六兩列入是年員弁名額四柱冊內作爲暫添
員額咨報戶部備案嗣准部咨以閩廠員弁悉
以兩次奏單爲定額不應再有添派且船塢之

設係因舊設船槽經用已久始另修船塢一所
或令各廠差使較簡之員分辦或令船槽原設
員弁兼辦自無不可所有新添員弁均應刪除
等因經臣將不能分辦兼辦情形備咨聲覆復
准來咨以如因船塢開挖伊始非專設員弁不
足以資遣用亦應將實在情形詳細叙明奏請
添派此時未便據咨率准等因咨覆前來竊維
製船經費年來支絀異常臣具有天良有可畧
從節省者無不力求節省惟是新塢工程繁重
其地距船廠將及三里舊槽日有工作原設船

槽員弁各日有專司卽各廠差使之員經戶部
照單刪裁後常苦不敷遣用就中欲籌兼辦則
勢有不能欲籌分辨則人患不足合無仰懇
天恩准予暫添船塢委員二員差弁二員薪水均自
開造船塢之日起支將來石塢告成此項暫添
員弁或留或撤仍隨時察看期於工無曠悞款
不虛糜除咨部查照外所有暫添船塢員弁各
緣由謹附片具陳伏乞

聖鑒訓示謹

奏

船政奏議彙編

卷四十

三

同日補奏奉

硃批該部議奏欽此

遵 旨補奏摺

奏爲遵

旨補奏恭摺具陳仰祈

聖鑒事竊臣於光緒十六年二月初一日承准軍機

寄大臣字寄本年正月初八日奉

上諭兵部奏驛站擅折夾板請旨飭查究辦一摺據稱本年正月初四日接到裴蔭森於上年十二月十三日拜發夾板一副奏摺公文均已無存前於光緒十四年九月十一月間楊昌濬兩次奏報摺件均經折毀盜去該部奏明飭查僅據浙江咨報

船政奏議彙編

卷四十

三

並無折動情形福建省迄今一年之久並未查明報部且他省奏報並無似此情形獨福建省驛站屢屢擅折實屬目無法紀請飭查參等語昨據劉銘傳咨報兵部發回來板僅有大婚恩詔滿漢文各一紙並無批摺當令該部詳查並著該撫確切查辦茲據該部所奏復有此等情事殊堪詫異驛站遞送摺報膽敢屢次擅折夾板盜換摺件若不確切查明從嚴懲辦何以肅郵政而儆效尤著卞寶第劉銘傳飭屬認真挨站查究係何處私折更換限四個月覆奏毋許延宕裴蔭森此次所奏摺

件並著該京卿迅速補奏兵部原摺均著抄給閱看將此各諭令知之欽此跪聆之下欽悚莫名謹

查_臣上年十二月十三日拜發摺件計正摺一

件係報龍威鋼甲修整完竣驗試回工並附暫

定該船薪糧名額清單附片兩件一係遴充提

調一係暫添船陽員弁薪水經_臣親自封固發

驛遞送此次被人擅折夾板盜換摺件由督_臣

卞寶第飭屬挨站查究另行具報外_臣應將前

遞摺片敬謹補繕恭呈

御覽所有遵

船政奏議彙編

卷四十

十四

旨補奏緣由理合恭摺由驛四百里馳陳伏乞

聖鑒謹

奏

光緒十六年二月初六日拜發奉

硃批兵部知道欽此

船政奏議彙編卷四十一目錄

裴蔭森十五

遵 旨裁員依限具報摺

隄前泥積擬於對岸插箇引水刷沙片

沾患肝痛請假兩月調理片

三屆出洋學生學成並襄辦肄業各員出力分

別獎勵摺

出洋學生積勞病故從優請卹片

船政奏議彙編

卷四十一目錄

一

遵 旨裁員依限具報摺

奏爲遵

旨裁員依限具報恭摺仰祈

聖鑒事竊於光緒十五年十二月二十二日准戶部

咨開光緒十五年十一月十五日內閣奉

上諭國家綜核度支必先嚴除冗濫從前各省辦理軍務創立支應採辦轉運等局本屬一時權宜不能視爲常例迨軍事敕定又以善後爲名凡事之應隸藩司者分設各局名目衆多鹽務則督銷分

船政奏議彙編

卷四十一

一

銷局卡林立大率以候補道員爲總辦而會辦隨辦各員其數不可勝計所有專管之藩運兩司轉以循例畫諾爲了事又如清訟保甲捕盜等事本係臬司專責亦皆另設一局授權委員論公事則推委轉多論庫款則虛糜甚鉅至船政機器各局原爲當務之急而局用開支尤屬繁實叢生漫無稽考若不一律認真整頓何以昭核實而塞漏卮前於光緒十一年八月二十二日欽奉

諭旨各省設立各局種種名目濫支濫應無非瞻徇情面爲位置閒員地步飭令大加裁汰定議覆奏仰見

聖慈誥誠嚴明各該省雖經遵議奏明量爲裁減總未
能將煩費認真革除近年以來冗員愈多浮費愈
甚着各直省將軍督撫破除情面將所有各局通
行查核或刪減或歸併其有必不能裁者卽將按
月經費限定數目不准任意增添自接奉此旨後
勒限三個月將議定限留各局開單奏報並將各
局經費每月若干咨報戶部存案該部於每年報
銷冊內逐一查對毋任稍有含混理財與用人相
輔而行實爲圖治之大端各將軍督撫身膺重寄
務當振刷精神切實經理不得狃於積習敷衍塞

責將此通諭知之欽此欽遵恭錄飛咨前來臣跪

聆之下欽悚莫名伏查光緒十五年九月間海
軍衙門遵議詹事志銳條奏海軍事宜摺內於
福建船政局一項陳明應將局面變通裁減改
歸海軍衙門節制就現有經費將已開工之石
鵞造竣專爲修理鐵甲之用北洋兵輪冬令赴
南巡操至福州卽可就近進鵞停歇修理俟將
來經費稍充再議製造其應如何變通裁減員
役糜費擬請

飭下船政大臣會同將軍督撫悉心妥議詳咨海軍

衙門酌核請

旨辦理等因奉

旨依議欽此欽遵亦經恭錄咨行前來

國家慎重度支凡屬臣工敢不深體此意竊維船

政之設綜其大綱不過製造輪船而已然製造

輪船非一廠一所所能集事也約舉條目一曰

製船身而船身有木脅鐵脅之分且鑲配之件

以及桅舵舳舻不能不分廠營焉一曰製輪機

而輪機胚件或鍛或鑄以及鑄件木模亦不能

不分廠營焉一曰製鍋爐而所用之鐵版鐵槽

船政奏議彙編

卷四十一

三

鐵條由荒鐵拉鍛而成者咸仰給於他廠焉一

曰製帆纜而所配之轆輪索串銅鐵鈎環非本

廠所能自造者亦仰給於他廠焉凡此數者工

異料殊各不相習他如修船有槽儲料有所學

堂有英法之分住宿有匠徒之別名目紛繁不

勝枚舉前大臣沈葆楨爲之分門別類始克綱

舉日張嗣復仿製水雷開辦石隴計先後設廠

所者三十兼以署中應設之提調總稽查文案

支應發審以及采辦各員統共員紳七十二員

遞年以來裁併廠所者六裁汰員紳二十一員

截至光緒十五年十二月底止計實存廠所二十一
十有四員紳五十一員常苦不敷遣用至於各
學堂教習本不在定額之內平日分班授課那
以培育人才亦未便多所裁減茲經設法騰挪
請自光緒十六年二月起裁減鐵脅廠委員一
員東考工所委員一員發審所委員一員水雷
所委員二員前學堂漢文教習一員後學堂帶
教一員槍砲教習一員漢文教習一員管輪學
堂幫教一員繪事院派廠幫教一員計共裁員
紳五員教習六員經將所裁員額支數連同弁

船政奏議彙編 卷四十一

四

役各項咨呈海軍衙門聽候酌核請

旨辦理竊恐輾轉奏報有逾限期合將所裁員額依
限先行具報除分咨海軍衙門戶部查照外所
有裁員依限具報各緣由理合會同福州將軍
世襲一等繼勇侯 臣 希元閩浙總督兼管福建
巡撫事 臣 卞寶第恭摺馳陳伏乞

皇上聖鑒訓示謹

奏

光緒十六年閏二月初八日拜發奉

硃批該衙門知道欽此

隴前泥積擬於對岸插箇引水刷沙片

再船政廠地憑陵大江開辦之始擇江流深處
傍岸設立船臺以便下水船槽以便修船鐵水
坪以便起卸法至善也嗣以水力漸微刷沙不
暢因購置大機器挖土船排日起挖泥沙用資
補救詎邇年以來溪流盡歸對港船臺船槽及
鐵水坪前水勢日消沙痕日長雖有挖土船亦
無以施功臣因親乘小舟沿江測驗確見溪流
改道近廠之處淤墊有加非亟予疏通數年後
成陸成洲將廠地盡成廢棄所關大局非淺尠

也查疏濬江流祇有引水刷沙一法察看現在
情形能於上流鼈頭鄉以下別開深港暢引溪
流俾資衝激策之上也其次則於對岸上游密
插竹箇使水到箇前折回近港水流既暢亦可
挾沙而行惟沿流開港動費浩繁當此庫藏支
絀之時力難舉辦擬先徧插竹箇引水徐回仍
用挖土船當川開掘約估工料至省亦須數千
金所患水性無常難保其必能移流就軌仍應
隨時揆度期於泥沙盡刷廠地無虞所需欸項
仍由製船經費項下支銷仰懇

天恩先予飭部立案俟工竣之日核計支用統歸本年分歲入歲出冊內報銷除分咨戶工兩部外所有試辦插箇引水緣由謹會同福州將軍世襲一等繼勇侯臣希元閩浙總督兼管福建巡撫事臣卞寶第附片陳明伏乞

聖鑒訓示謹

奏

同日拜發奉

硃批該衙門知道欽此

將此稿請旨核辦以爲批

同日拜發奉

聖鑒諭示

辦理船政事宜

應請旨飭令各該衙門

一體遵照辦理

毋得延誤

天恩先予飭部立案俟工竣之日核計支用統歸本年分歲入歲出冊內報銷除分咨戶工兩部外

沾患肝痛懇 恩賞假兩月調理片

初再臣自去年秋間沾患肝痛時發時止初不以

為病也今歲時交春令木氣日旺土氣漸衰因

而頭目眩暈兩耳常鳴胃脘之間結成痞隔筋

絡旁掣逆氣上衝伏枕終宵不能成寐病狀迭

出服藥數十劑迄不見差據醫者言病由操勞

太過以致心血虧損肝燥脾傷非靜攝數時恐

成怔忡之證臣當時即欲請假醫調因龍威鋼

甲工程未畢祇得勉強支撐今該船將次赴津

而協粵各艘亦陸續圖功具有機緒但得經費

船政奏議彙編 卷四十一

少舒即可按常營繕可否仰懇

天恩賞假兩個月藉資調理日間尋常公事暫委提

調代拆代行其事屬要公仍由臣力疾核辦一

俟醫治稍痊即行銷假不敢自耽安逸有負

生成所有暨因病請假緣由謹附片陳明伏乞

聖鑒謹

奏

同日拜發奉

硃批着賞假兩箇月欽此

三屆出洋學生學成并襄辦肄業各員出力分別獎勵摺

奏爲三屆出洋期滿學生學均有成並華洋各員襄辦肄業事宜始終出力懇

恩分別獎勵以昭激勸恭摺仰祈

聖鑒事竊臣等續派北洋閩廠學生出洋肄業經將

分別扣足在船月日展拓在洋年限並覈估按
年用款以及出洋製造學生在洋三年先予擇
尤請獎六年期滿再予一律彙保先後

奏明荷蒙

船政奏議彙編

卷四十一

八

恩准欽遵在案茲三屆出洋學生三十四名內除黃
裳吉一名在北洋供差未經出洋外其派赴英

國專習測繪海圖巡海練船兼駕駛鐵甲兵船
之學者陳恩燾賈凝禧周獻琛三員專習操放

大礮槍隊陣圖大副等學兼駕駛鐵甲兵船者

劉冠雄黃鳴球邱志范王學廉鄭汝成陳杜衡

沈壽莖鄭文英八員專習兵船管輪機之學者

王桐一員專習水師兵船算學格物學者伍光

建陳伯涵曹廉箴三員專習水師海軍公法捕

盜公法及英國文字語言之學者張秉圭羅忠

堯陳壽彭三員專習海軍製造之學者陳慶平
李大受陳長齡盧守孟四員其派赴法國專習
海軍製造家算學化學格物學者鄭守箴林振
峯二員專習萬國公法及法文法語者林藩游
學楷高而謙王壽昌柯鴻年許壽仁六員各學
生抵洋後陳恩燾賈凝禧周獻琛均由英國海
部送上巡海練船周歷東南西洋歐亞澳美各
州陳恩燾復由法國海部送入繪海圖衙門學
習繪圖併圖之法賈凝禧歷過海海軍大操後
又入雷學並上英屬地中海海軍部丹麥雷鐵

甲兵船周獻琛又調入糯次安伯倫鐵甲兵船
習練船用帆駛風之學均經法國海圖總辦各
兵船船主出考給據劉冠雄黃鳴球邱志范前
由英海部派上槍砲練船復入英兵部武力士
砲廠操練各種大砲洋槍陣圖及修理製造理
法更調英海軍部愛倫求克等兵船講求雷
學王學廉鄭汝成陳杜衡沈壽堃鄭文英均先
入英國格林書院肄業算學法格物學水機水
汽等學又派上槍砲練船學習操砲操彈操機
操轉輪砲臺操洋槍隊學製槍砲理法準法及

腰刀手槍等學均考列優等由英國監督船主等各出考給據王桐派入英海部格林書院肄業考列二等嗣在英海海軍部莫納克耳克鐵甲兵船幫辦三等管輪人員亦經船主出考給據伍光建陳伯涵曹廉箴同在英海部格林書院肄業兩年同時考試代數三角學圓錐學重學動學水學積分微分學雜學算學格致理法化學理法汽機學圖學均列上等又赴英國公使司遇尼外耳及金士哥利士兩書院肄業一年所學益精經該書院給據獎賞張秉圭羅忠堯

學習臘丁文字及英刑司各種律例海軍捕盜等項公法皆深知旨要陳壽彭充當繙譯亦音字無訛陳慶平李大受入法國工部製造大書院肄業於開河築壩起造鐵石橋梁試估輪車鑊道各項工程皆能繪圖算料計工科程該書院總監督稱其可勝橋路總監工之佐陳長齡盧守孟入法國海部製造大書院肄業於船身輪機各學均有心得鄭守箴林振峯考入法國學部娜蠻大書院均取中算學科格致科舉人林藩游學楷高而謙王壽昌柯鴻年許壽仁入

法國學部律例大書院肄業均列上上等高而謙游學楷又取中律科舉人至繙譯李隆芳洋支應貝西保兒供事能應斌這事張寶章皆能各稱厥職其考未入格者僅製船學生楊濟成一入而已該學生等期滿學成由出使大臣劉瑞芬查錄各該生在洋課程出具考語先將學習駕駛三年期滿者咨送回華臣等公同考驗各該生等所學莫不盡探奧妙各具等長較之前屆學生亦學業較邃創獲實多當此倡練海軍之時得此有用之才洵足仰備

國家器使而華洋監督周懋琦斯恭塞格率領生徒出洋能與英法各部互相款洽使生徒得入官學官廠並上各兵船練習考證盡得秘傳實屬調度有方始終出力而隨帶各學生出洋肄業並襄辦出洋肄業事務魏瀚李壽田吳德章王崧長許貞幹沈翊清韓汰之梁孝熊李聖培等於應辦事務均能措置得宜三年罔懈亦不無微勞足錄查前兩屆出洋生徒學成回華並華洋襄辦各員均照異常勞績

奏請給獎此次事同一律合無仰懇

天恩准予援案獎勵以資鼓舞而勸將來謹開具清單恭呈

御覽除咨呈海軍衙門並咨吏兵二部外所有出洋

學生並華洋各員援案請獎緣由謹會同福州

將軍世襲一等繼勇侯臣希元恭摺附驛馳陳

伏乞

皇上聖鑒再此摺係臣蔭森主稿合併聲明謹

奏

同日拜發奉

硃批周懋琦等均着照所請獎勵該衙門知道單併

船政奏議彙編卷四十一

發欽此

天恩准予援案獎勵以資鼓舞而勸將來謹開具清單恭呈御覽除咨呈海軍衙門並咨吏兵二部外所有出洋學生並華洋各員援案請獎緣由謹會同福州將軍世襲一等繼勇侯臣希元恭摺附驛馳陳伏乞皇上聖鑒再此摺係臣蔭森主稿合併聲明謹奏同日拜發奉硃批周懋琦等均着照所請獎勵該衙門知道單併發欽此

出洋學生積勞病故從優請卹片

再船政駕駛學生五品頂戴陳鶴潭製造學生

五品頂戴林志榮經_臣等選取隨同二屆各學

生出洋肄業抵洋之後陳鶴潭在英國高士博

聖學伯呢學堂溫習語言文字又在蘇格蘭製造船

廠學習輪機製用各法探秘窮微曉夜攻苦遂

天賦得咯血之疾病歿於法國醫院林志榮入法京

營造官學堂學習在洋三載夙夜勤劬亦以積

勞咯血洋醫審爲不治扶病回閩隨即身故查

光緒二年奏定選派船政生徒出洋肄業章程

船政奏議彙編

卷四十一

三

內開生徒因攻苦積勞致有不測之事酌量請

卹等因今陳鶴潭林志榮選派出洋藝已垂成

遽因勤學病故殊堪憫惻相應籲懇

天恩俯准飭部從優議卹以慰幽魂謹合詞附片陳

明伏乞

聖鑒訓示謹

奏

同日拜發奉

硃批着照所請該部知道欽此

船政奏議彙編卷四十二目錄

裴蔭森十六

閩廠製造輪船支用各欸造册核實報銷摺

試造鋼甲兵船溢用銀數聲明立案片

龍威鋼甲兵船修整完竣改名平遠駛赴天津

摺

展留洋教習片

青洲石鵞復行開辦片

恭謝 天恩並報明交卸船政起程日期摺

船政奏議彙編

卷四十二目錄

一

奏請 天恩並報明交卸船政起程日期摺

奏請 天恩並報明交卸船政起程日期摺

奏請 天恩並報明交卸船政起程日期摺

奏請 天恩並報明交卸船政起程日期摺

奏請 天恩並報明交卸船政起程日期摺

船政奏議彙編卷四十二目錄

裴蔭森十六

船政奏議彙編卷四十二 裴蔭森十六

閩廠製造輪船支用各款造冊覈實報銷摺

奏爲閩廠製造輪船支用各款造冊覈實報銷恭

摺仰祈

聖鑒事竊閩廠製船各款自光緒九年正月起截至

十一年十二月底止動支閩海關洋稅及閩省

善後局南洋協撥等款經臣於去年十一月間

遵照新章造冊請銷奏奉

硃批該衙門議奏欽此欽遵在案茲覈閩廠自光緒

十二年正月接造起截至十四年十二月底止

船政奏議彙編

卷四十二

一

計湊成二千四百匹實馬力鐵脅巡海快船兩

艘曰鏡清曰寰泰一千六百匹實馬力鐵脅三

等快船一艘曰廣甲製造未成二千四百匹實

馬力鐵脅鋼甲艦一艘曰龍威二千四百匹實

馬力鐵脅穹甲快船兩艘曰廣乙曰廣丙四百

匹實馬力鐵脅淺水兵船一艘曰廣庚七船接

續並營廠機益資添拓兼以開石隄以備巨船

奏之修葺建砲臺以固廠地之藩籬魚雷之門合

宜精購新機以興役巨礮之收儲宜慎擇隙地

而鳩工黽勉經營洵皆當務之急他如船臺鍊

水枰爲任重之區誦堂繪圖房爲課學之所或
修或建亦未敢置爲緩圖凡此應辦緣由均經
隨時奏報其常年支放有額可稽者如薪水贍
養飯食工伙口糧等欸亦經遵照部章按年開
列名額四柱送部備案其有經部覆准不能專
案奏咨者則如歲修之機器廠屋爐溝添置之
傢伙書籍器具欸目紛繁實難枚舉此製造一
切之情形也閩海關洋稅應解船政者經戶部
議奏自光緒二年正月爲始六成月撥銀三萬
兩四成月撥銀二萬兩今覈製船經費自光緒

十二年正月起截至十四年十二月底止上屆
報銷案內存銀四十四萬九千三百五十六兩
八錢六分二釐六毫又存用剩銅鍊木煤各料
價值銀一十二萬一千九百二十三兩二分八
釐八毫閩海關六成洋稅月奉撥銀三萬兩自
光緒十二年正月起截至十四年十二月底止
連閩計三十七箇月內除十二年分欠解一十
箇月十三年分欠解九箇月十四年分欠解八
箇月外實解到一十箇月共銀三十萬兩又四
成洋稅月奉撥銀二萬兩自光緒十二年正月

起截至十四年十二月底止連閏計三十七箇月共解到銀七十四萬兩又南洋協撥第一號快船經費原奏請撥二十萬兩除上屆列收外找解銀九千七百七十七兩又續造第二號第三號快船經費原奏撥銀六十六萬兩除上屆列收及未解外實解到銀二萬二千五百二十九兩三錢四分五釐二毫又閩省善後局撥解試造鋼甲艦經費原奏請撥四十六萬兩除上屆列收外找解銀三十萬兩又廣東撥解協造輪船八艘經費原奏番銀五十三萬兩除未解

外實解到番銀三十九萬兩折合銀三十五萬四千五百四十五兩四錢五分四釐五毫又滙存廣東快船經費生息番銀二千六百九十七兩五錢六分四釐七毫六絲六忽六微折合銀二千四百五十二兩三錢三分一釐六毫數計管收共銀二百三十萬五百八十四兩二分二釐七毫內除造船購器修廠贍工等項支用銀一百七十五萬九千九百三十兩九錢三釐九毫又墊支各輪船薪費銀九萬三百二十九兩六錢五分四釐六毫各輪船煤炭價值銀一萬

五千八百九十九兩一錢二分九釐九毫修理
輪船工料銀八萬三十一兩九錢六分六毫統
共支銀一百九十四萬六千一百九十一兩六
錢四分九釐實存銀一十一萬七千八百三十
五兩四錢一分九釐六毫又存用剩銅鐵木煤
各料價值銀二十三萬六千五百五十六兩九
錢五分四釐一毫查輪船薪糧煤炭修費船政
第一次報銷係另歸養船項下開報沈葆楨奉
命巡臺時奏明自同治十三年四月十六日起將所撥

養船經費併入臺防項下各船薪糧亦歸臺防

項下支銷奉

旨該衙門知道欽此嗣後歷屆報銷各前大臣均因
輪船薪糧等款除由臺防本款支給外船政墊
支銀兩無款劃還截清年月彙入製船經費單
內作正開銷歷奉戶部覆准在案所有光緒十
二年至十四年稅釐局奉撥養船經費仍復批
解不前各船應領之項除將解到養船銀兩儘
數支給並赴臺赴廈就於差次支領外製船項
下尙墊支各船薪糧煤價修費三款共銀一十
八萬六千二百六十兩七錢四分五釐六毫莫

從支收歸欸自應援照成案將墊支前項銀兩歸入本案作正開銷其欸應由閩省善後局登收彙總造冊以昭覈實此支銷一切之情形也竊維船政用欸多製船則費似奢而實節少製船則費似省而實糜蓋多製船而稽察之員紳天恩司帳之書吏各廠日用之煤炭油觔所支者亦此數所以臣蒞者此數少製船而稽察之員紳司帳之書吏各廠日用之煤炭油觔所支者亦此數所以臣蒞工以來力籌多製船隻以求無形之節省此臣沾沾焉圖報

恩遇之私忱也惟船機之興作日繁工料之支銷日鉅若不及時截報竊恐輾轉不清茲將三年中用款彙造細冊筋員逐件鉤稽臣復覆加詳覈深悉一切支銷均無浮冒伏懇臣

天恩飭部查照臣光緒十二年七月閩造冊報銷難拘成例奏案免以則例相繩照數覈銷以清積贖除咨呈海軍衙門總理衙門並將細冊咨送

戶部兵部工部覈銷外理合會同南洋大臣兩

江總督臣

曾國荃

兩廣總督臣

李瀚章

福州將

軍世襲一等繼勇侯臣

希元

閩浙總督兼管福

建巡撫事 臣 卞寶第恭摺具陳伏乞

皇上聖鑒謹

奏

光緒十六年三月二十八日拜發奉

硃批該衙門議奏欽此

船政奏議彙編

卷四十一

六



光緒十六年三月二十八日拜發奉

奏

皇上聖鑒謹

敬啟者

試造鋼甲兵船溢用銀數聲明立案片
再竊據工程處監造船身學生魏瀚鄭清濂吳
德章監造船機學生陳兆翱李壽田楊廉臣等
稟稱竊學生等於光緒十一年間稟請試造鋼
甲艦原估除礮位魚雷電燈另購外每船約銀
四十六萬兩當經鳩工庀材於光緒十二年閏
安上龍骨十三年十二月間下水迄十五年九
月間工竣蒙飭駛赴天津聽候勘驗嗣由滬展
輪小抽汽機軸折損卽駛回吳淞就洋廠修整
完固復蒙飭駛回閩加意閱視隨宜添修刻已

將船機緊要之件全行折視隨宜添改一律完
好可以隨同北軍前赴津沽候驗覈計工料自
興工起至現在止連電燈價值約共銀五十二
萬餘兩內除不在原估數內之電燈價值五千
餘兩外尙需銀五十一萬餘兩較之原估銀數
溢用銀五萬餘兩所以溢用緣由有不能不詳
晰陳者學生等原擬所造之船船身長十七丈
三尺九寸船尾喫水深一丈二尺三寸全船噸
載一千八百噸實馬力一千七百匹今所造之
船船身長十九丈七尺喫水深一丈三尺一寸

全船噸載二千一百噸實馬力二千四百匹噸
載馬力既增則船身丈尺自不能不增工料所
以溢於原估者此其一學生等原擬三船並造
請欸一百三十八萬兩凡三船可以通用者如
船身之版樣鑄件之木模以及船架船撐木楔
木槽造三船只需一分造一船亦需一分是原
擬均諸三船者今專萃於一船工料所以溢於
原估者又其一學生等原估船上礮位電燈各
項歸於另購應用船省分自行購配故一切
安鑲砲位電燈工費未及估計在內嗣因大砲

電燈業已購到乘其船工未竣先行配置免致
將來周折凡安裝大砲嵌鑲電燈以及砲臺之
鐵罩電機之鍋鑪亦皆製配齊全工料所以溢
於原估者又其一凡此數端第就目前覈計而
言聞該船派歸天津水師差遣凡屬一軍必須
整齊畫一倘閩船與津船船中配件不能一式
者將來又須添改尤非學生等意計所及應請
另案續銷理合稟請奏咨立案等因前來臣覆
覈所稟各節均屬實在情形至船身丈尺噸載
馬力加增有請造及下水奏案可稽且到船尙

可按驗非該學生等所能捏飾合無仰懇

天恩俯准飭部立案以爲報銷根據除咨呈海軍衙門分咨戶部工部外所有試造鋼甲艦工料溢於原估各緣由理合會同福州將軍世襲一等繼勇侯臣希元閩浙總督兼管福建巡撫事臣卞寶第附片具陳伏乞

聖鑒謹

奏

同日拜發奉

硃批該衙門知道欽此

龍威鋼甲兵船修整完竣改名平遠駛赴天津
摺

奏爲龍威鋼甲兵船修整完竣接准北洋大臣電

寄改名平遠現已駛赴天津恭摺具陳仰祈

聖鑒事竊臣於光緒十五年十二月間曾將龍威鋼

甲兵輪修整完竣驗試回工籲懇

天恩賞還製機各學生頂戴並將暫定名額薪糧

奏明

飭部立案奉

硃批著照所請單併發欽此查該船於去冬在滬時

船政奏議彙編

卷四十二

十一

經北洋副統領琅威理驗視後駛回閩洋照兵

船新式增修鑲配約有百數十件已於三月二

十八日由海軍提督丁汝昌統率北上方北軍

各輪舟在香港之時適接北洋大臣李鴻章電

寄龍威既擬歸北洋操演宜改名平遠庶與北

軍鎮遠定遠等合隊堪以隨時號召卽交提督

丁汝昌統率北上等語該船隨同北軍由閩赴

滬祇歷四十四點鐘已抵上海行駛尙爲合法

一切名額薪糧皆照龍威定製其薪糧餉項暫

由製船項下墊給未抵津沽之前既應歸閩省

善後局開支卽應由閩省解還歸款所有龍威
鋼甲船改名平遠隨同海軍北上各緣由謹會
同北洋大臣大學士直隸總督臣李鴻章福州
將軍世襲一等繼勇侯臣希元閩浙總督兼管
福建巡撫事臣卞寶第恭摺由驛馳陳伏乞

皇上聖鑒訓示謹

奏

光緒十六年四月初六日拜發奉

硃批該衙門知道欽此

船政奏議彙編 卷四十二

十一

皇上聖鑒訓示
光緒十六年四月初六日拜發奉
硃批該衙門知道欽此
同北洋大臣大學士直隸總督
將軍世襲一等繼勇侯
希元閩浙總督兼管
福建巡撫事
卞寶第恭摺由驛馳陳伏乞

展留洋教習片

再駕駛學堂洋教習鄧羅由英國應募來閩於光緒六年八月二十七日抵工按照外國月日約定三年爲限扣至九年八月三十日期滿嗣因該教習到工以來教導尙屬認真張夢元任內再留一年俾資得力自九年九月初一日起扣至十年八月十二日止張佩綸任內復留一年自十年八月十三日起扣至十一年八月二十三日止其所授學生堂課已畢堪以出洋肄業由_臣復議留三年接授二班學生經於光緒

船政奏議彙編

卷四十二

十二

十一年七月二十六日

奏明在案嗣自十一年八月二十四日起扣至十

四年八月二十五日止限滿_臣詳加察看該教

習於督課各學生甚屬盡心教導因復議留三年加訂合同按照年月排定功課以期廣收駕駛人才之益理合附片陳明伏乞

聖鑒謹

奏

同日拜發奉

硃批該衙門知道欽此

青洲石鵞復行開辦片

再聞廠於青洲地方擬設石鵞藉以修理鐵甲巨船經臣於光緒十四年三月初六日

奏明開工試辦嗣因閩海關六成項下報解不前經費無從籌墊不得已於光緒十五年八月初十日

奏明暫行停辦是年冬間承准海軍衙門來咨以閩省石鵞可備北洋兵船避凍南下及時修整之需應分工兼辦以重海防各等因臣與將軍督臣熟商議以六成項下兩箇月六萬金作

船政奏議彙編

卷四十二

三

為按年籌辦船鵞之資咨呈海軍衙門請為轉奏現雖未據咨覆而石鵞既為現時之急務似不容置為緩圖業於本年二月二十七日委飭員紳酌帶工役復行開辦目下規模畧具其如何斟酌損益仍由督臣隨時核辦以竟前功所有續辦船鵞緣由理合附片陳明伏乞

聖鑒謹

奏

同日拜發奉

硃批該衙門知道欽此

茶謝 天恩並報明交卸船政起程日期摺
奏爲恭謝

天恩並報明交卸船政起程日期恭摺具陳仰祈
聖鑒事竊臣於光緒十六年三月三十日承准海軍
衙門咨開三月初二日奉

上諭光祿寺卿裴蔭森著來京供職所有船政事務
著派閩浙總督卞寶第兼管欽此臣當卽恭設香
案望闕叩頭謝

恩訖伏念臣六載船官毫無報稱迺蒙

聖恩不加譴責仍令以本職入都能無感極涕零奮

船政奏議彙編

卷四十一

四

思自効四月初六日准閩浙督臣卞寶第來馬

江任事臣卽於是日交卸篆務定期十六日起

程臣籍隸清淮由閩入江地當孔道前於閏二

月初八日因患肝病籲請假期仰荷

聖慈賞假兩個月無如假期屆滿而病未全瘳伏乞

天恩再賞假兩箇月就醫江北倘蒙

聖主福庇得以速痊卽行入都供職藉盡犬馬圖報

之私所有微臣感激下忱并交卸起程日期謹

繕摺恭謝

天恩附驛陳明伏乞



Inv. 33,000